

UTL AT DOWNSVIEW



D RANGE BAY SHLF POS ITEM C
39 10 14 02 07 017 2

10-71
BP
166
.2
I37


Ibrahim, Mehmed
Serh-i esma' ul-husna

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY


5099

20 / 152



İbrāhīm, Mehmed

شرح اسماء الحسنی



اثر


محمد ابراهیم

Şerh-i esmā' ul-husnā

مهرسز نسخه‌لر ساخته‌در



معارف عمومیہ نظارت جلیلیہ سنک ۴۱۷ — ۳۰۳۹ نومرولی
فی ۱۶ محرم سنہ ۳۲۶ وفی ۶ شباط سنہ ۳۲۳ تاریخی
رخصت رسمیه سیلہ طبع اولنشد



کتابخانه

[احمد کامل افندی] مطبعہ سی — سلطان بایزیدده فؤاد پاشا

جاده سنده نومرو (۷۱)

۱۳۲۶

﴿ بِسْمِ اللَّهِ الرَّحْمَنِ الرَّحِيمِ وَبِهِ نَسْتَعِينُ ﴾


الحمد لله رب العالمين والصلاة والسلام على سيد المرسلين وعلى آله وصحبه اجمعين.

جناب فرد الصمد حضر تلمی، قول لرینه احتیاج لرینی
رفع وازاله ایدہ جک اسباب ووسائلی ارانہ ایدہ رک
[ادعونی استجب لکم] آیت جلیلہ سنی ازال. و ذات
پاکنہ عرض اولنہ جق دعانک، انجق اوصاف جلیلہ
الہیہ سنہ دال اولان اسمای شریفہ ایلہ اولہ جفنی دخی [ولله
الاسماء الحسنی فادعوه بها] نظم کریمیلہ افادہ بیور مشدر.
اوصاف جلیلہ صمدانیہ نہایت اولمد یغندن اسمای
الہیہ دخی بر حد و عدد تعیین ایدیلہ من ایسہ دہ جناب
پیغمبر افند من حضر تلمی، [ان لله تسعة وتسعين اسما
مائةً الا واحداً من احصاها دخل الجنة] حدیث شریف لریلہ
مقبولیت دعاء و دخول جنتہ سبب اولان اسمای حسنی
الہیہ نک طقسان طقوز اولدیغنی بیان بیور مشلر در، کہ
معنای منیفی: « جناب واجب الوجود حضر تلمینک

یوزدن بر نقصان یعنی طقسان طقوز اسم شریفی اولوب
عد و حفظ ایدن کیمسه؛ اعظم النعم اولان جنته دخول
ایدر» دیمکدر.

حدیث شریفده مذکور اولان عد؛ تلاوت و ترتیل
و مضمونه اطاعتدن عبارتدر؛ بونلر ایسه؛ معانی
لطیفه‌لرینی تفکر و تفهم ایله حصول و کمال بوله جغندن
— مطالعه ایدن ذوات کرامک؛ تصادف ایده جککاری
خطاره عطف لحاظه عفو و صفح بیوره جققلرندن امیدوار
بولندیغم جهتله — اخوان دینه بر خدمت ناچیزانه ده
بولنمق آرزوی خالصانه سیه علی قدر الطاقه اسمای
حسنای الهیه نک معانی شریفه و خواص لطیفه‌لرینی بیانه
اجتناسار ایلدم ومن الله التوفیق





بِسْمِ اللَّهِ الرَّحْمَنِ الرَّحِيمِ

﴿ يَا اللَّهُ ﴾

(الله) لفظ شریفی ؛ معبود بالحق اولان جناب حی
لایموت حضر تلرینک اسم علمیدر؛ ماعدایه اطلاق اولنه ماز.
صفات ثبوتیه و سلبیه ناک جمیعینه دال اولان بولفظ
جلیلک مشتق اولسنه دخی قائل اولمشلردر، که محلنده
مفصلاً مذکوردر.

خاصیت : هر کون بیک دفعه [یاالله] ذکر جلیلنه
مداومت ایدن کیمسه بی؛ جناب پروردگار عالم حضر تلری
اصحاب یقیندن قیلار.

﴿ يَا رَحْمَنُ ، يَا رَحِيمُ ﴾

هر ایکسی مبالغه ایچون اولوب؛ تفضل واحسانی

مقتضی رقت و انعطاف قلب معناسنه اولان (رحمت) دن
مشتقدر لر .

جناب حق؛ جسمیت و عوارضندن منزله اولدیغندن
انعطاف و انفعال قلب؛ حق باریلرنده متصور دکلدرد؛ بو
صورته جناب حقه [رحمن، رحیم] اطلاق؛ مبادی
انعام اولان انفعال اعتباریه اولمیوب بلکه غایتی اولان
انعام واحسان اعتباریه اولمش اولور .

رحمن؛ رحمت و فضل و کرمده غایتیه بالغ منعم حقیقی
معناسنه اولغله جناب رب منان حضر تلرندن ماعدایه
اطلاق اولنماز؛ زیرا ماسوی الله؛ ایتمش اولدقلری
اییلکله مقابل اجر و ثواب طلبنده بولندقلرندن منعم
حقیقی دکلدرد .

رحمن؛ رحیم دن بلیغتر در . بوابلیغیت؛ ایکی وجهله
اخذ اولنوب بری : منعم علیهلرک کمیتی، دیکری : نعمک
کیفیتی اعتباریه در .

اوله نظراً : [یارحمن الدنيا] یعنی دنیاده مؤمنین

و مشرکین و جمیع مخلوقاتنه لطف و فضلده بولنان [وَرَحِيمِ
الْآخِرَةِ دَنِيلِير] که آخرتده یالکمز مؤمنین قوللرینه
احسانده بولنان ذات اجل واعلا دیمکدر.

ثانییه نظراً: [یار حمن الدنیا والآخره] یعنی دنیا
و آخرتده کی نعم جلیله یی احسان ایدن [وَرَحِيمِ الدنیا
دَنیلیر] که دنیانک نعم جلیله سندن ماعدا اولان نعمتله
ایله اکرام ایدن باری تعالی دیمکدر.

خاصیت: فرض نماز لک عقیبنده یوزر دفعه بو اسم
شریف لری تلاوت ایدن کیمسه، قساوت قلبدن آزاده اولور.

❦ يَا مَلِكُ ❦

ملک؛ کتف و زننده ملک صاحبنه یعنی جمیع عوالم
ظاهره و باطنه یه تصرف عام و مملک تام ایله مالک اولوب
کافه موجودات؛ زیر حکم و قدرتنده اولان جناب
مالک الملک و الملکوت حضر تلرینک اسمای حسنا ی
الهیه سندندر.

خاصیت: بو اسم شریفی دوام اوزره تلاوت ایدن

نعم دنیویہ و آخرویہ نائلتہ مخلوقاتدن مستغنی اولور.

﴿ یَا قُدُّوسُ ﴾

ذات پاکنه و صفات عال العالنه نقص و عیوب ایراث
ایدن حالات ایله مماثلت و مشابهتدن منزله و مقدس اولان،
یاخود طرف الهیسنندن انزال بیورمش اولدیغی کتاب
مجیدی ایله طریق نجات و نجاتی ارانه بیورده رق نفوس
عبادی؛ اعتقادات فاسده و اخلاق ردیله دن طاهره قیلان
جناب خلاق عالم حضر تهرینک اسمای شریفه سنندندر.
خاصیت : ظلمت و کدورت قلبدن خلاص اولمق
ایچون؛ یوز دفعه بو اسم جلیلی او قوملیدر.

﴿ یَا سَلَامُ ﴾

ذات پاککی؛ حدوث و عیوبدن، جمیع صفاتی؛
نقایصدن بری و سالم اولان، یاخود ایمان و انقیادده
بولنان قوللرینی؛ سلامتده قیلان رب ذوالجلال
حضر تهرینک اسم جلیلیدر.

خاصیت : اسیر فراش اضطراب اولان بر
خسته نك ياننده يوز التمش دفعه [ياسلام] اسم جليل
صمدانيسي ياد وتذكار ايديليرسه جناب شافى حقيقى
حضر تلى اول مريضى ، مبتلا اولديغى خسته لقدن
خلاص ايلر .

﴿ يَأْمُؤْمِنُ ﴾

مخلوقاتى ، كافه مصائب دن امان اوزره بولنديران ،
يا خود قوللرينه ، انبياي عظام و رسل كرام واسطه سيله
راه سدادى ارانه و تعليم ايدرك مطيع و منقاد عباديني ،
عذاب دوز خدن امين قيلان جناب پروردگار حضر تلى نك
اسماي حسنا سندنذر .

خاصیت : هر کون او توز التى دفعه بو اسم جليلك
تلاوتنه مداومت ايدن و يا اوزرنده بولنديران ، بلایا
و مصائبك كافه سندن امين اولور .

﴿ يَأْمُهَيْمِنُ ﴾

حفظ و مراقبه ده مبالغه ايدوب هر شيئي حفظ

الهيسيله محفوظ ومصون بولنديران جناب نكهبان
حقيقى حضرت تارينك اسم جليليدر

فائده : بو اسم شريف ، هيمن يهيمن دن اسم فاعل
اولوب مصغر دكلدر ؛ چونكه اسمى الهيه نك تصغير
اولنه مسى حتمده اجماع منقولدر . و برده بو اسمك
وزنى ؛ مفعيل اولوب اوزان تصغير دن بولنان فعيعل دكلدر .
خاصيت : بعد الاغتسال بو اسم شريفى تلاوت ايدن ؛
غسلى سببيله اوساخ ظاهره دن طاهره اولدينى كېي
تلاوتى بر كاتيله دخى ادناس مغنويه دن پاك و روشن اولور .

﴿ يا عزيز ﴾

كمال عزت و شانله متصف اولوب ؛ ذات وصفاتنده
مثلى بولمقدن على و منزله اولان ، يا خود كافه خلائقك
محتاج اولدقلى شيلرى احسان ايله نقصانلرينى اتمام
واكمله قادر و جميع مخلوقات تحت حكمنده اولوب
حكمتى ؛ عموم نر دنده جارى و نافذ اولان جناب رب
منان حضرت تارينك اسم جليل سبب حائيسيدر .

خاصیت: قرق کون متما دیا؛ صباح نمازند نصکره قرق
دفعه او قویان کیمسه بی، جناب حق ماسوا دن مستغنی قیلار.

﴿ يَا جَبَّارُ ﴾

عدم دن وجوده اخراج ایلدیکی موجوداتی ؛
اراده الهیه سنک تعلق ایتدیکی وجهله اداره ایدن ،
یا خود (جابر) یعنی مخلوقاتک امور معاد و معاشلارنده
اولان احوال لرینی ؛ اصلاح و تنظیم ایدن جناب رب
لم یزل حضر تفرینک اسمای حسنا سنندرد .
خاصیت : هر کون یکرمی بر دفعه تلاوت ایدن
کیمسه بی جناب حق ؛ هر درلو مصائب دن امین و محفوظ
قیلار .

﴿ يَا مُكَبِّرُ ﴾

ذات وصفاتنده خلائقک جمله سنندن عالی اولوب
کبریاء و عظمت شان ايله متصف و ماسوا یه احتیاج دن
منزه اولان جناب خلاق عالم حضر تفرینک اسم شریفیدر .

کبریا؛ ذات پاک الهی به مخصوص اولمغه ماسواده
تکبر؛ ابلیس صفتی اوله جفندن مقدو حدر. و بوکبی
متکبر لرك عاقبت حالری: [من تواضع رفعه الله ومن
تکبر وضعه الله] حدیث شریفله بیان بیورلمشدر، که
معنای منیفی: جناب حق؛ تواضع ایدوبده هرکسه
قارشو ملتفتانه کورینان ذواتک قدرینی اعلا و ترفیع؛
بالعکس کندیسنی بیوک کوروب اقران بوله میانلری؛
ترزیل ایدر دیمکدر.

خاصیت: منکوحه سمنه قبل المجامعه اون دفعه بو
اسم جلیلی تلاوت ایدن کیسه یه؛ جناب خالق البشر
حضر تلری خیرلی اولاد احسان ایدر.

﴿ يَا خَالِقُ ﴾

کافه موجوداتی؛ بلاسبق مثال یکدیگرندن تمایز
ایده جک برر صورت مخصوصه نوعیه و شخیصیه ایله
خلق و ایجاد بیوران جناب آفریننده کون و مکان
حضر تلرینک اسمای صفاتیله لرننددر.

خاصیت : کیجہ لری [یا خالق] ذکر جلیلہ مداومت
 ایدن کیمسہ ایچون جناب حق ؛ بر فرشته خلق بیوروب
 اوفرشته ۔ ثوابی تالی یہ اولق اوزرد ۔ قیامتہ قدر عبادت
 ایدر؛ بوسبیلہ قارئی نائل اجر و مشوبات لاتحصا اولور۔

﴿ يَا بَارِئُ ﴾

برء ؛ مجاورتی مکروہ و نامطبوع اولان نسنه دن
 تباعد ۔ برء ؛ بانک فتیح ایله خلق و ایجاد معناسنه در۔
 باری ایسہ ؛ جنس مخلوقاتی تفاوتدن بری اوله رق
 خلق ایدن و جمیع نقایص و معاییدن منزہ و مبرا اولان
 ذات اجل و اعلانک اسمای حسنا ی الہیہ سندنذر۔
 خاصیت : چوجق طغور میان قادین ؛ یدی کون
 اوروج طوتملی و ہر افطارینی — کندیسنه [یا خالق ،
 یاباری ، یامصور] اسم شریف لری یکرمی برر دفعہ
 او قونان — صو ایله ایتلیدر۔

﴿ يَا مُصَوِّرُ ﴾

مصور ؛ تفعیلدن اسم فاعل اولوب [خلقنا کم ثم

صورناکم [نظم جلیلی مفادی و جهله جمیع موجوداتی؛
 کیمسه نك ایجابی اولمق سزین بلطفه و باختیاره تعالی کتم
 عدمدن صحرای وجوده اخراج؛ بعده هر بر جنس
 ونوعی و افراد شخیصیه نی یعنی جمیع اشیایی؛ بر صورت
 مخصوصه حسیه و عقلیه ایله تقدیر و تصویر بیوروب
 انسانی؛ حیواندن، حیوانی؛ نباتدن و عالمی؛ جاهلدن
 فرق و تمیز بیوران جناب رب و دود حضر تلرینک
 اسم جلیلدر.

خاصیت : بر هفته یه قدر هر کون یوز دفعه تلاوت
 ایدن ؛ جمیع آفادن سالم و مصون اولور.

﴿ یَا غَفَّارُ ﴾

غفار ؛ ستر و اخفا ایدیجی معناسنه اولوب ذنوب
 عبادی؛ عفو و مغفرت و عیوب و قصور لرینی؛ ستر و اخفا
 ایدن جناب ستار العیوب حضر تلرینک اسمای حسنه ای
 الهیه سندنذر.

خاصیت : دوام اوزره تلاوت ایدن ؛ مغفرت

رحمانه مظهریتله عذاب دوزخدن خلاص اولور.

❦ ياقَهَّارُ ❦

قهار؛ مبالغه صیغه سی اوزره اولوب کفر و شرک و ادیلرنده پویان اولان کفار و فجاری، یا خود ضعیفای مسلمین اوزرینه تکبر و تسلط ایله تفاخر ایدن جباردی ؛ قهر و شدت ایله اخذ و هلاک ایدن جناب واحد ذوالجلال حضر تالری نك اسم شریفیدر .

خاصیت : بو اسم جلیلی مداومت اوزره اوقویان ؛ نفس و هواسی شیطانلرینه متابعتدن خلاص اولدیغی کبی ؛ محبت دنیا ؛ قلبنده قرار کیر اوله میه رق آسوده دل اولور .

❦ يَاوَهَّابُ ❦

وهب؛ باغشلامق و بلاعوض بر شیئی اعطا ایلمک معناسنه در .

وهاب؛ ماده مذکورده دن مبالغه اولوب ظاهری و باطنی کافه نعمتلی ؛ قوللرینه احسان ایدن جناب

خالق الكونين ورازق الثقلين حضر تلرينك اسمای
حسنای الهیه سندنذر.

خاصیت : صباح نمازینی ادادن صکره بو اسم
جليلك تلاوته دوام ایدن کیمسه یی ؛ جناب رب منان
حضر تلری خلائقك جمیع سندن مستغنی قیلار.

﴿ يَارَزَّاقُ ﴾

مخلوقاتنه ؛ انتفاع ایده بيله جکری شیئی احسان
ایدن جناب رزاق عالم حضر تلرينك اسم شریفیدر.
فائده : حلال اولان شیر، رزق اولدیغی کبی
حرام اولان شیر دخی ؛ قولك کسبی سببيله رزق
اوله رق اعطا ایدیلیر ؛ لکن عبد ؛ حرامی ترجیحندن ناشی
مستحق عذاب اولور ؛ یوقسه معتزله نك ذهابی
وجهله رزق ؛ حلاله منحصر دکلدیر ؛ چونکه بواخصار
دعواسی ؛ مدت حیاتنده ولو بر لقمه اولسون حلال
تناول ایده میان کیمسه نك ؛ اصلا مرزوق اولمه مسنی
انتاج ایدر ؛ بونتیجه ایسه :

[و مامن دابة فی الارض الا علی الله رزقها] آیت
جلیله سنه منافی اولدیغندن ظاهر البطالاندر ؛ بناء علیه
انحصار ثابت اوله ماز .

خاصیت : بو اسم شریفی دوام اوزره اوقویان
کیمسه ؛ الطاف الهیه نائل ، وسعت عیشه مظهر اولور .

﴿ یَافْتَاَحُ ﴾

فتاح ؛ مبالغه صیغه سی اوزره آچیجی معنا سنی
مفید اولوب قولرینه ؛ امور دنیویه و اخرویه لرنده اعانه
و نصرته بولنه رق فرح و سرور قپولرینی کشاد ایدن ،
یا خود علوم ظاهره و باطنیه کسب و قوف ایتدیرن
جناب مفتاح الابواب حضر تفرینک اسمای حسنا سنندندر .
خاصیت : بو اسم شریفی دوام اوزره اوقویان
کیمسه نک قلبنه ؛ جناب مفرح القلوب حضر تفری
فرح و کشایش احسان ایدر .

﴿ يَا عَلِيمُ ﴾

علیم؛ علم ایلہ متصف اولان جناب عالم السر وَالْخَفِیَّاتِ
حضر تالرینک اسم جلیل سببحانیسیدر.

جناب حَقِّکْ علمی؛ مخلوقاتک علمی کبی ناقص
اولیوب کامل وَکَلِیَّاتِ وَجَزْئِیَّاتِی محیطدر؛ چونکه
کافَّةً موجوداتی خالق؛ انجق کنیدی اولوب خلق
ایلدیکی شیلری بیلیمکسزین ایجاد ایتسی محالدر؛ بناء علیه
علم الهیسنندن خارج هیچ بر شی یوقدر.

علم؛ بر شئیئک حقیقتنی ادراکدن، معرفت ایسه؛
تفکر وتدبر ایلہ بیلیمکدن عبارت اولدیغندن معرفتی؛
جناب حقه نسبت ایلہ [یعرفه الله] دیمک جائز اولیوب
بلکه [یعلمه الله] دیمک لازمدر؛ چونکه جناب رب
منانک علمی؛ تفکر وتدبر ایلہ حاصل اولیوب کسبدن
منزهدر.

خاصیت: بواسم شریفه دوام ایدن کیمسه؛ کوهر
علم و عرفانی قولایقله اخذ ایدر و محفوظاتی نسیاندن
آزاده اولور.

﴿ یاقابضُ ، یاباسط ﴾

قابض ؛ جمیع اشیائی ید قبضه سنده بولند یروب
ایستدیکی قولندن ؛ بسط واحسان ایلدیکی اموال
واولادی ، یاخود بذل ایتدیکی نعمت حیاتی ؛ اخذ
وقبض ایدن جناب فعال لما یرید حضر تلرینک اسم شریفیدر.
یاقابض اسم جلیلی ؛ آدابه موافق اولان (یاباسط)
اسم شریفله برابر ذکر ایتکدر.

خاصیت: تناول ایده جکلری طعامه ؛ فیض وبرکت
احسان اولنسی ایچون بو اسم شریفی او قوملیدر.

* *

باسط . — دیلدیکی قولنک رزقنی بسط وتوسیع

ایله قلب مقبوضنی ؛ منبسط قیلان جناب پروردگار
عالم حضر تلرینک اسمای حسنا سندنذر.

خاصیت: (یاباسط) اسم شریفی اوقیوب اللرینی

یوزینه سورن قولنی ؛ جناب واهب العطا یا حضر تلی

کیسه یه محتاج ایلمز.

﴿ یَا حَافِضُ ، یَا رَافِعُ ﴾

حافض . — اهانت معناسنه اولان (حفض) دن

اسم فاعل اولوب ایستدیکی قوللرینی ، یاخود اهل

طغیان ، قهر وترذیل ایدن جناب واحد ذوالجلال

حضر تلرینک اسم جلیل صمدانیسیدر .

خاصیت : اوچ کون اوروج طوتقدنصکره یتیش

دفعه بو اسم شریفی تلاوت ایدن کیمسه ، جناب حقک

حفظ صمدانیسیله محفوظ اوله جفندن دشمنلری ،

ایقاع ضرره مقتدر اوله مازلر .

بو اسم شریفی دخی (الرافع) اسم شریفیه برابر

یاد وتذکار لازمدر .



رفع ، یوقاری قالدیر مق معناسنه در .

رافع . — ماده مذکوره دن اسم فاعل اوله رق یوقاری

قالدیریجی ، اعلا واعزاز ایدیجی معناسنی مفید اولوب

دیلدیکی قوللرینه رفعت وعزت ، شرف ومنزلت ویرن ،

یا خود مطیع و منقاد عبادینه یوم آخرتده درجات
رفیعه احسان ایدن جناب آفریننده کائنات حضر تلرینک
اسمای حسناى الهیه سندنذر.

خاصیت : هر کون یوز دفعه او قویان کیمسه یی :
جناب حق شرافت و یسار ایله ممتاز قیلار.

﴿ يٰمُعِزُّ ﴾

افعالدن اسم فاعل اولوب دلیل اولان کیمسه یی :
کندی قوت باهره سی و نعمت علم و عرفان اعطائتیه
عزت و شرف صاحبی ایدن، یا خود انبیا و مؤمنین
قوللرینی، دارالخلد اولان جنته ادخال ایله قدرلرینی
عالی قیلان جناب رب لم یزل حضر تلرینک اسمای
حسناى الهیه سندنذر.

خاصیت : بازار ایرتسی و جمعه کیجه لری یتسو
نمازندن صکره یوز قرق دفعه بو اسم شریفی تلاوت ایدن
کیمسه لر، هر کسه محبتلو کورینملریله ناسک شئرلرندن
امین اولورلر.

﴿ يَا مُذِلَّ ﴾

عبادندن دیلدیکنی، خوار و ذلیل قیلان، یا خود
روز حساب اولان قیامت کوننده کفار و فجاری
اذلال ایدن جناب واحد ذوالجلال حضر تلرینک
اسم شریفیدر.

خاصیت: مکروهاتدن توقی و اندیشه ایدن کیمسه،
بو اسم شریفی سجده یه قیانه رق یتش بش دفعه تلاوتدن
صکره: (یارب بنی فلان قولنک شرندن خلاص ایله)
دعاسنی او قوملیدر.

﴿ يَا سَمِيعُ ﴾

سمیع. — مسمع معناسنه اوله رق ایشتدیر یجی
دیمکدر.

یا خود سامع معناسنه مبالغه اولور، که ایشید یجی
دیمکدر.

هر ایکی معنایه کوره ذات اجل و اعلانک اسم شریفیدر.
فی الواقع جناب واجب الوجود حضر تلری مرام

ایتدیکی قوللرینه ؛ ارادهٔ علیه سی تعلق ایتدیکی شیلری
اسماع ایله متنبه و بر طاقم اموره مطلع قیلدیغی کبی کندیس
دخی مسموعاتی ؛ علی وجه الکمال ادراک ایدیحیدر.
خاصیت : قرائتی اثناسنده کیمسه ایله تکلم ایتمکسزین ؛
یوز دفعه بواسم شریفی تلاوت ایدوبده مطلوبنی ایستیان
کیمسه نی ؛ جناب حق مرآته نائل قیلار.

﴿ یَابَصِيرُ ﴾

بصیر . -- صفت مشبهه اولوب ظاهری و باطنی
جمیع اشیائی کوریحی و بیلیحی اولان جناب حی لایموت
حضر قلرینک اسم جلیلیدر.
جناب حق کورمسی و ایشتمسی ؛ بزم کورمه من
و ایشتمه من کبی حواس ظاهر دنک بری اولان کوز و یا
قولاق ایله اولیوب بلکه ذات پاکنه مختص بر رؤیت و سمع
ایلّه کافئه موجوداتی و مسموعاتی ایشیدیحی و کوریحی در.
خاصیت : جمعه نمازندن اول یوز کرداوقویان کیمسه نک
چشم بصیرتی ؛ رونق بولوب عندالله معزز و مکرم اولور.

﴿ يَا حَكِّمُ ﴾

فتحیتینله جمیع اشیایه مالک اولوب کافه موجوداتی
تحت تصرفنده بولندیران و مبالغه سیله انفاذ احکام ایدن
جناب مالک الملک و الملکوت حضر تلرینک اسم شریفیدر.
خاصیت : بو اسم جلیلی اویقو غلبه ایدوبده اویویانه
قدر تلاوت ایدن کیمسه یی ؛ جناب حق عز وجل
حضر تلری اسرار الهیه سمندن خبردار ایلر .

﴿ يَا عَدْلُ ﴾

کیمسه یه جور و جفاده بولنمیوب مبالغه ایله عدل و داد
ایدن جناب خلاق عالم حضر تلرینک اسمای حسنا
الهیه سمندندر .

خاصیت : بو اسم شریفی دوام اوزره تلاوت ایدنلر
استماله قلوب ایله کیمسه دن اذیت کور مزلر .

﴿ يَا أَلِطُفُ ﴾

لطف ؛ رفق و نوازشله معامله ایلمک معناسنه در .

لطیف . — عبادینه رفیق و ملائمتله معامله ایدن،
یا خود دقائق موجودات و سرائر مخلوقات و واقف و آگاه
اولان جناب واجب الوجود حضر تلرینک اسمای
حسنای صمدانیه سندندر.

خاصیت : فقیر و یا مریض اولان کیمسه؛ بواسم
جلیلی هر کون یوز دفعه تلاوت ایدرسه؛ باذن خدای
متعال مبتلا اولدینی درددن خلاص اولور.

﴿ یا خَبِیر ﴾

کافه موجوداتک کنه و حقیقته و هر کسک حقایق
افعال و سرائرینه مطلع اولوب هیچ بر شیء کندیسنه
خفی اولمیان ذات اجل و اعلانک اسم شریفیدر.
خاصیت : سوء اخلاقه مبتلا اولان کیمسه؛
بواسم جلیلی تلاوتی برکاتیه تبدیل اخلاق ایدر.

﴿ یا حَلِیم ﴾

وحدانیت الهیه سنی انکار ایدرک کفر و شرکده

خاصیت: مداومی؛ خلأئق نژدنده معزز و مکرّم اولور.

❦ یاغفور ❦

معصیتی ارتکابلرندن ایچون قوللرینه؛ عقوبتی
تعجیل ایتیموب عفو و صفح ایله معامله ایدن جناب ستار
العیوب حضرتلرینک اسمای حسنای الهیه سندنذر.
خاصیت: حما و باش اغریسی و دیگر خسته لقلره
مبتلا اولان کیمسه نك بواسم شریفی؛ دوام اوزره
تلاوت ایتسی لازمدر.

❦ یا شکور ❦

شکور. — منعم طرفندن احسان ایدیلن نعمتک قدر
و قیمتنی بیایوب مکر منه شکر و سپاس ایدن آدمه دینور.
جناب حقه (شکور) اسم شریفی اطلاق اولندقدہ
— باری تعالی کیمسه نك انعام و احساننه محتاج اولیوب؛
قوللرینه؛ کندیسسی تفضل ایتمکده اولدیغندن — معنای
مذکور قصد اولنمیه رق بلکه عبادندن طاعتده بولنانلری

مدح و ثنا ایدیجی، یاخود نائل اولدقاری نعمتلی؛
محل لایقنه صرف ایلدکرندن ناشی مکافات الهیه سینه
مظهر ایدیجی معناسی مراد اولنور.

خاصیت: کدورت قلب و یا ضیق عیشه مبتلا اولنلر؛
بو اسم شریفی قرق بردفعه صویه او قویه رق ایچمیلدر لر.

﴿ یَا عَلِیُّ ﴾

ذات و صفاتی؛ نقائص و حوائجدن منزله و بری
اولوب الوهیت و عظمت شان ایله جمله دن عالی اولان
جناب خلاق عالم حضر تلرینک اسم جلیل سبب جانلیریدر.
خاصیت: بو اسم شریفک تلاوتنه مداومت ایدن؛
رزقنده و سمعته، اگر غریب ایسه و صلتیه نائل اولور.

﴿ یَا کَبِیْرُ ﴾

کبریا؛ انجق ذات پاکنه مخصوص اولوب ذات
وصفاتنده امثال و اضداددن یعنی حکمنه مخالفت
ایده جک و الوهیت و ربوبیتنده کندیسمنه شریک و نظیر

اوله بيله جاك بر موجود بولنقدن عالی اولان جناب
واحد لم یزل حضر تلرینک اسمای حسناى الهیه سندنذر.
خاصیت: هر کون یوز دفعه تلاوته مداومت ایدن،
عوام و خواص نزدنده معزز و مکرم اولور.

﴿ يَا حَفِیْظُ ﴾

موجود ایدن ذره مقدارینی حفظ صمدانیسندن
دور و غائب ایتیموب کافه سنی حافظ اولان ذات اجل
و اعلانک اسمای جلیله سندنذر.
خاصیت: هر کون اون التی دفعه او قویان، مصائبک
جمعیسندن امین اولور.

﴿ يَا مُقِیْتُ ﴾

مخلوقاتنه قوت و غذا احسان ایلان جناب رب
العالمین حضر تلرینک نام پاکیدر.
حافظ و نکهبان و مقتدر اولق معنارینه دخی کلیر؛
نته یکم مفسرین کرام حضراتی، (وکان الله على کل شیء

مقیماً) آیت کریمه سنی (ای حافظاً و مقتدر) ایله
تفسیر بیور مشلر در.

بو ایکی معنی ؛ معنای اولک لازمیدر ؛ زیرا قوت
وغدا احسانی ؛ قدرت ایله اولدینی کبی انجق غدا ایله
محافظه حیات و شدانده مقاومت حصوله کلیر .

خاصیت : اخلاق رذیله یه مبتلا اولان کیمسه ؛
بو اسم شریفی یدی دفعه بر کاسه صویه اوقیوب
ایچرسه ؛ سوء اخلاقی حسن اخلاقه مبدل اولور .

﴿ یَا حَسِيبُ ﴾

قوللرینک هر بر امور و خصوصلرنده اعانه یه کافی
اولوب غیری یه احتیاجدن منزله و مبرا اولان، یا خود
روز حساب و عقاب اولان یوم آخرتده جمیع خلائقک
حسابلرینی یعنی حسنات و سیئاتلرینی محاسبه ایله
مکافات و مجازاتلرینی اعطایه کافی و مقتدر اولان جناب
واحد ذوالجلال حضر تلرینک اسمای حسنا سنندندر .
خاصیت : دشمندن و یا اصابت نظر دن خوف

ایدن کیسه؛ پنجشنبه کونی باش-ایه رق یدی کون
اقشام و صباح یتشر دفعه [حسبی الله الحسیب] ذکر
جلیلنه مداومت ایتلیدر.

﴿ یَا جَلِیل ﴾

جمیع صفات جلال و کمال ایله متصف اولوب کنه
و حقیقتی؛ ادراک و احاطه اولنقدن عالی و منزّه اولان
جناب حی لایموت حضر تلرینک اسم جلیلدر.
خاصیت: بو اسم شریفی؛ مسک و زعفران ایله
یازوب ایچر، یاخود تلاوته مداومت ایدرسه؛ عندالله
عزیز و محترم اولور.

﴿ یَا کَرِیم ﴾

جمیع خلائقدن مستغنی اولان و الطاف مالانهایه
الهیه سیله قوللرینی؛ مستغرق لطف و احسان ایلان
جناب پروردکار عالم حضر تلرینک نام پاکیدر.
خاصیت: بو اسم شریفک تلاوته مداومت ایدنلره

سَعَادَتِ دُنْيَوِيهٖ وَآخِرَوِيهٖ يِي اَحْرَازِ اَيْلِهٖ عِنْدَ النَّاسِ مَعْرُزِ
وَمَكْرَمِ اُولُورُلُرِ.

﴿ يَارَقِيبُ ﴾

جمله جلیات وَ خفیات اموره واقف و اقوال و افعال
عباده شاهد وَ حافظ اولان جناب عالم الغیب و الشهاده
حضر تلرینک اسمای حسناى صمدانیه سمندندر.
خاصیت : کندیسى ویا اولاد و اموالی اوزرینه بو
اسم شریفی یدی دفعه او قویه جق اولور ایسه جناب
حافظ حقیقی حضر تلری، جمیع آفادن مصون و محفوظ ایلر.

﴿ يَا مُجِيبُ ﴾

مجیب. -- اجابتدن اسم فاعل اولوب [فانی قریب
اجیب دعوة الداع اذا دعان] نظم جلیلی و جهله
قوللرینک دعالرینی قبول، جلیل و حقیر هر بر حاجت
و مقصودلرینی اسعاف و قضا بیوران جناب مجیب
السائلین حضر تلرینک اسم جلیلیدر.

خاصیت : بو اسم شریفی دوام اوزره تلاوت ایدن
کیمسه لرك دعا لری، سریعاً پیوسته هدف قبول و اجابت
اولور.

﴿ یا واسِع ﴾

رزق، کافه مخلوقاته شامل و لطف و فضلی، جمیع
سائلینی ارضایه کافی اولان، یا خود علم الهیسنندن
هیچ بر شیء خارج اولیوب علمی، بتون اشیائی محیط
بولنان ذات اجل و اعلانک اسم شریفیدر.

خاصیت : (یا واسِع) اسم جلیلی تلاوت ایدن
کیمسه یه جناب حق، کندی خزینة لایفناى الهیه سنندن
احسان ایدرك وسعت عیسه مظهر قیلار.

﴿ یا حَکِیم ﴾

حکمتله متصف اولوب ایشلدیکی شیلر، عبثدن
خالی و متین و محکم اولان و موجوداتیی، قوللرینک
انتفاع ایده جکی بر صورتده خلق و موضع لایقنه وضع

ایدن جناب عالم السر وَالْحَفِیَّاتِ حَضْرَتْلَرِنْکِ اسْمای
حَسَنَاسَنَدْنَدِرْ.

خاصیت : بُو اسم جَلِیلِ تَلَاوْتِ ایدن کِمَسَه نِکِ
قَلْبِنِیْ، جَنَابِ حَقِ نُوْرِ حَکْمَتِ وَاِیْقَانِ اِعْطَاسِیْلَه مَنُوْرِ
وَرُوْشْنِ ایلرْ.

﴿ یَاوُدُودُ ﴾

فَعُوْلُ بِمَعْنٰی فَاعِلِ اَوَّلُوْبِ صَالِحِیْنِ قُوْلَرِیْنِه رِضَا
وَرَحْمَتِیْ چُوْقِ اَوَّلَانِ جَنَابِ اَرْحَمِ الرَّاحِمِیْنِ حَضْرَتْلَرِنْکِ
اسْمای حَسَنَایِ الهِیَه سَنَدْنَدِرْ.

فَعُوْلُ بِمَعْنٰی مَفْعُوْلِ اَوَّلِیْقِ دُخِیْ جَائِزْدِرْ. بُو صُوْرَتْدَه
مَعْنَایِ اسْمِ شَرِیْفِ، اَوَّلِیَّاءِ وَمُتَقِیْنِ قُوْلَرِیْنِکِ اِخْصِ
اَمَّالَرِیْ وَمَطْلُوْبِ وَمُحْبُوْبَلَرِیْ اَوَّلَانِ ذَاتِ اَجَلِ وَاَعْلَا
دِیْمِکِ اَوْلُوْرْ.

خاصیت : بِنِیْلَرْنَدَه دُشْمَنْلِیْقِ اَوَّلَانِ کِمَسَه لَرْ، تَنَاولِ
اَیْدَه جِکَلَرِیْ یِمْکَه بَیْکِ بَرِ دَفْعَه بُو اسم شَرِیْفِ اَوْقِیُوْبِ
تَنَاولِ اَیْتَسَه لَرْ؛ عَدَاوَتْلَرِیْ، مَبْدَلِ مَحَبَّتِ وَصَدَاقَتِ اَوْلُوْرْ.

﴿ يَا حَمِيدُ ﴾

عظمت و کبریا ایلہ متصف اولوب جمله مخلوقینی
اوزر لرینه بلا عوض وَلَا غرض انواع نعم و فضائل جلیله
احسان ایدہ رک مکرم قیلان جناب و اهب العطایا
حضر تلرینک اسمای حسنا سندنذر،
خاصیت : هر کون صباح نمازند نصکره طقوز کره
تلاوتی اعتیاد ایدن، امثال و اقرا نی ایچنده قدر و حیثیت
صاحبی اوله رق سرافراز اولور.

﴿ يَا بَاعِثُ ﴾

قوللرینی طریق هدایت و صوابه ارشاد ایچون
انیسای عظام و پیغمبران فیخام افندمن حضر تلرینی،
ارسال و بعث بیوران، یا خود جمیع مخلوقات، اجللرینک
حلولیله اماته و افنا ایلد کد نصکره یوم آخرته محاسبه
ایچون یکیدن خلق و محشره سوق و بعث ایلان جناب
مالك الملك حضر تلرینک اسم شریفیدر.
خاصیت : جناب حق بو اسم شریفی دوام اوزره

اوقویان کیمسه نك رزقنی، توسیع ایدر.

﴿ یاشهید ﴾

علم محیطندن هیچ بر شی دور و غائب اولیوب
 جمیع اشیا علم الهیسنده حاضر و موجود اولان ذات
 لاجل واعلانك اسم شریفیدر.

خاصیت: مطیع و منقاد اولیان اولادینك ناصیه
 یعنی آلهه، پدری کندی شهادت پر مغنی قویوب
 یو اسم شریفی اوقوملیدر.

﴿ یا حَقُّ ﴾

الوهیت وربوبیتی متحقق اولوب وجود حقیقی
 ایلله موجود اولان جناب فرد الصمد حضر تلرینك
 اسم جلیلیدر.

خاصیت: یو اسم شریفی دوام اوزره تلاوت
 ایدن کیمسه یه، جناب رب منان حضر تلری یسر و غنا
 احسان ایدر.

﴿ يَا وَكِيلُ ﴾

جميع خلائِكَ رزقنی اعطایه کفیل اولان، یا خود
تسویه و تدبیرندن عاجز اولدینی امور و مصالح لرند
اعانه و نصرتده بولنان ذات اجل و اعلانک اسم شریفدر.
خاصیت: مال و جانی اوزرینه صودن و یا آتشدن
خوف ایدن کیمسه بو اسم جلیلک تلاوته مداومت ایتلیدر.

﴿ يَا قَوِيَّ ﴾

موجوداتی، خلق و ایجادى حالنده کنديسنه ضعف
و فتور عارض اولیان و هر شیئه قادر اولمسيله امر
و حکمنی اجرا و انفاذده کیمسه مخالفتده بولنه میوب
جملهیه غالب اولان جناب پروردگار عالم حضر تکرینک
اسمای حسنای الهیه سندنذر.

خاصیت: بو اسم شریفی دوام اوزره تلاوت ایدن
کیمسه نک احوال و اطوارنده آثار قوت و قدرت
ظاهر اولغله دشمنلری، ایقاع ضرردن حذر و اجتناب
ایدرلر.

﴿ یَا مَتِّینُ ﴾

افعالنده کندویه تعب و مشقت لاحق اولیه رق
ایشلدیکی شیر؛ متین و محکم اولان و کیمسه طرفندن
مغلوب ایدلیوب غالب مطلق بولنان ذات اجل واعلانک
اسم شریفیدر.

خاصیت: سودی کلیان قادین؛ ییه جکی وایچه جکی
شیئه [یامتین] اسم جلیلی اوقیوب تناول ایدرسه ؛
جناب واهب العطایا حضر تلی وافر سود احسان ایدر.

﴿ یَا وَلیُّ ﴾

قوللرینه ؛ امور و خصوصارنده معین و ناصر اولان
و کافه موجوداتده مقتضای حکمت بالغه سی و جهله تدبیر
و تصرف ایدن جناب حی لایموت حضر تلرینک اسمای
حسناسندندر.

خاصیت: بو اسم شریفی دوام اوزره تلاوت ایدن؛
رضای رحمانه مظهر اولور . حریمله اثنای صحبتده
خاطرندن بو اسم شریفی دور ایتزسه جناب حق بینلرینه

حسن معاشرت و امتزاج احسان ایلر .

﴿ یَا مُبْدِئُ ﴾

ابداء . — بر شیئی ایجاد ایلک معناسنه در .

مبدی . — ماده مذکوره دن اسم فاعل اولوبه کائناتی؛ کتم عدمدن صحرای وجوده اخراج ایلان جناب خالق الموجودات حضر قارینک اسمای حسنای الهیه سندندر .

خاصیت : حامله برقادین رحمنده بولنان چوجغک وقتندن اول ستموط ویا تأخرندن خوف ایدرسه بحرمنندن بریسی؛ پر مغنی قادینک کوبکنه وضع ایل طقسان طقوز دفعه بو اسم شریفی او قوملیدر .

﴿ یَا مُعِیدُ ﴾

جمیع مخلوقات ایتیه و افنا ایلدکنصکره داردنیاده ایکن ایشدکلری حسنات و سیئاتک مجازات و مکافات ویرمک ایچون یکیدن بعث و احیا پیوران ذات اجل

واعلانك اسم شریفیدر .
 خاصیت : بواسم شریفی دوام اوزره تلاوت ایدن ،
 نسیان و فراموش ایلدیکی شیلری در خاطر ایده رك اهل
 دانش و معرفتدن اولور .

﴿ یا حمید ﴾

حمید، بمعنی فاعل اولوب ذات پاکنه لایق بر حمد
 ایله کندیسنه حمد و ثنا ایدن ، یاخود انبیا و مؤمنین
 قوللرینی، ایتدکلی ایمان و طاعاتدن ناشی مدح و ثنا
 ایدن ذات اجل واعلانك اسم شریفیدر .

بمعنی مفعول یعنی محمود معناسنه اولمای دخی جائزدر ؛
 چونکه [وان من شیء الا یسبح بحمده] نظم کریمی
 مفادی و جهله جمیع موجودات طرفندن لسان حال
 وقال ایله حمد و ثنا اولنان، انجق جناب باری تعالادر .

خاصیت : بواسم شریفی بر کاسه دروننه یازوب
 ایچر ایسه ، اخلاق حمیده ایله متصف و متخلق اولور .

﴿ يَا مُحْصِي ﴾

احصا. — تعداد و صایمق معناسنه در. علم معناسنه
دخی کلیر، که تعدادك لازمیدر.

محصى. — ماده مذکوردهدن اسم فاعل اولوب
کندیسنه ایمان ایدنلر ایله کفر و شرکده بولنانلری
وَ اَوامر الهیه سنه متابعت و مخالفت ایدنلری، عد و احصا
ایدن وَ خَلایقك افعال قبیحه وَ رذیله لرینه عالم و دانا
اولان جناب عالم السر وَ الحفیات حضر تلرینك اسمای
حسناسندندر.

خاصیت: جمعه کونی بو اسم شریفی یوز دفعه او قویان
کیسه، روز حساب اولان قیامت کوننك احوال
و شداندندن خلاص اولور.

﴿ يَا مُحْيِي ﴾

انسان وَ حیوانلری، کندیلرنده اثر حیات بولنمیان
اجسام ایکن ارواحی خلق و نفخ ایدرک احیا، بعده
ایستدیکی قوللرینه علم و عرفان و عمل و ایمان اعطاسیله

حیات معنویہ دخی احسان بیوران جناب خالق الموت
وَالْحَيَاتِ حَضَرَ تَلَرِيْنِكَ اِسْمِ جَلِيْلِيْدِر.

خاصیت: مریض اولان کیمسه؛ یدی کون مقتدر
اولدینی قدر بو اسم شریفی اوقیوب رنجیده اولان
اعضاسنه اوفورسه صحت و افاقت بولور. وَصْبَاح
نمازندن اول بیک بر دفعه تلاوتی عادت ایدن کیمسه نك
قلبنی؛ جناب حی لایموت حَضَرَ تَلَرِيْ زنده وَرُوشَن ایلر.

﴿ يَامُمِيْتُ ﴾

قوللرینه احسان ایلمش اولدینی حیات حقیقیه یی
اخذ ایله اماته ایدن ویا علم و عرفانی وَوَرَع و تقوایی
اخذ و قبض ایله مرده دل قیلان جناب فرد الصمد
حَضَرَ تَلَرِيْنِكَ اِسْمِایِ حَسَنَایِ الهیه سندنذر.

خاصیت: بو اسم شریفی تلاوت ایدنلر؛ هوا و نفسی
شیطانلرینه متابعتدن خلاص اولورلر.

بو اسم جلیلی؛ یامحی اسم شریفیه یاد و تذکاره
موافق شیمه ابددر.

﴿ يَا حَيُّ ﴾

حانك فتحی وِیانك تشدیدِله حیاتدن وصف اولوب
دیری اولان شیئه دینور، که ذات اجل واعلانك اسم
شریفیدر.

جناب واجب الوجود حضر تلی؛ کندی ذات پاکِله
قائم بر صفت حیات ایله متصف اولوب مخلوقانك حیاتنه
مقیس و مشابه دکلدرد؛ کندیسنه اصلا موت طریان ایلمز.
خاصیت : بواسم شریفه مداومت؛ عمر لرك اوزون
و برکتلی اولسینه سبیدر.

﴿ يَا قَيُّوْمُ ﴾

بذاته ثابت و قائم یعنی ذات و صفات و افعالنده
ماسوايه احتیاجدن منزّه و مبرا اوله رق موجوداتك
امورینی — هر بر خصوصده مدبر و متصرف حقیقی اولان
جناب باری یه محتاج اولدقلرندن — تسویه و احوالترینی
اصلاح و تنظیم ایدن جناب و احد ذوالجلال حضر تلرینك
اسم شریفیدر.

خاصیت: هر کون قرق بر دفعه [یا حی یا قیوم لا اله الا انت] ذکر جلیلی تلاوت ایدن کیمسه؛ غفلت و قساوت قلبدن آزاده اولوب کوکلی؛ انوار معرفت ایله پر نور اولور.

﴿ یا واجد ﴾

جميع اشیائی و حکمنی انفاذ ایدده جکی کیمسه لری؛ ایستدیکی وقتده همان بوله رق غیره محتاج و مفتقر اولمیان و کافه کائناته مالک حقیقی اولوب غنی مطلق بولنان جناب رب منان حضر تلرینک اسمای حسنا ی الهیه سندنذر. خاصیت: بو اسم جلیلی دوام اوزره تلاوت ایدن؛ غنای قلبه مظهر اولور.

﴿ یا مانجِد ﴾

مجد و کرم و عزت و عظمت؛ ذات پاک صمد انیسنه مخصوص اولان جناب پروردکار عالم حضر تلرینک اسمای جلیله لرندنذر.

خاصیت : بواسطه شریفی او قویان کیمسه نك قلبی،
انوار معرفتله روشن اولور.

﴿ يَا وَاحِدُ، يَا أَحَدُ ﴾

(یا واحد، یا احد) اسم شریفلری، اسمای حسناى
الهیة دن اولوب بارى تعالى حضرتلری، هیچ بر مخلوق
یوق ایکن موجود وَاَزَلِ اولسی اعتباریله [واحد]،
مخلوقاتنه احتیاجدن وَ شَرِیک ونظیری بولمقدن منزّه
اولسی اعتباریله دخی [احد] در.

خاصیت : بیک دفعه بواسطه جلیللری تلاوت ایدن،
مطلوبلرینه نائل اولور.

﴿ يَا صَمَدُ ﴾

فتحینله سید یعنی حوائج ومقاصدی تسویه ده
هر کسک ملجأ و پناهى وَ محتاج الیهى بولنوب کثیر الجود
وَ الاحسان اولان، یا خود ذات وصفاتنده مخلوقاتندن
هیچ بریسنه محتاج اولیوب، عظمت و کبریا، ذات پاکنده

نهایت بولان باری تعالیٰ حضرت تلرینک اسمای حسنی
الهیہ سمندندر.

خاصیت: بو اسم جلیلی دوام اوزره تلاوت ایدن؛
بالجمله مقاصدینہ نائلیتله مخلوقات تزدندہ معزز و مکرم اولور.
صبح نمازندن مقدم سجده قیانه رق یوز اوزن بش
دفعہ او قونورسه دشمنہ غلبه و مظفریت حاصل اولور.

﴿ یَا قَادِرُ ﴾

ارادۀ علیہ سی تعلق ایتسی ممکن اولان شیلری؛
قوت قاهره سیله خلق و ایجاد ایدن و قدرتی کامل اولوب
نقصان و فتور عروضندن منزہ و مبرا اولان جناب
آفرینندۀ کائنات حضرت تلرینک اسم شریفیدر.

خاصیت: آبدست آلیرکن ہر اعضا سنی ییقادیجہ
[یا قادر] اسم جلیلی تلاوت ایدرسہ؛ دشمنار شرنندن
امین و مقاصدینہ نائل اولور.

﴿ یَا مُقَدِّرُ ﴾

قدرت باھرہ ازلیہ صاحبی اولوب بالجمله موجودات

و مخلوقاتى؛ اشكال متنوعه و صور متفرقه ده خلق و ايجاد
ايله آثار قدرتى اظهار ايدن ذات اجل و اعلانك اسم
جليلدر .

خاصيت : اثنای محاربه ده و يادى كر قور قور زمانلرنده
تلاوت ايدن كيمسه؛ ضرر و زيان اصابتندن محفوظ قالير .

﴿ يَا مُقَدِّمُ ﴾

خلق ايلدىكى موجوداتدن بعضيسنى؛ ديكر بعضيسى
اوزرينه تقديم ايله عبادينك مصالح و منافعه موافق بر
صورته ترتيب و موضع لايقنه وضع و تعيين ايدن ،
يا خود اولياء و اصداقا قوللرينى؛ جنته دخول زماننده
ديكر ناس اوزرينه تقديم ايدن جناب رب منان
حضر قلرينك اسم شريفدر .

خاصيت : هر كون يوز دفعه بو اسم شريفى تلاوت؛
محبت الهيه نك قلبه قرار كير اولمسنه سببدر .

﴿ يَا مُؤَخِّرُ ﴾

تفصيلدن اسم فاعل اولوب خلق و ايجاد اشيائى؛

وقت مرهوننه تأخیر ایدن جناب حی لایموت
حضر تلرینک اسم جلیلیدر.

خاصیت: یامؤخر اسم جلیلنی دوام اوزره او قویان
کیمسه نك قلبنده؛ وساوس شیطانیه قرار کیر اوله میهرق
دوچار یأس و تأخر اولور.

﴿ یَا أَوَّلُ ﴾

ذات پاکنی تقدم ایدن هیچ برشی بولنیوب جمیع
اشیا اوزرینه مقدم اولان و کندیسی ایچون اصلا بدایت
تصور اولنه میان جناب واحد ذوالجلال حضر تلرینک
اسم شریفیدر.

خاصیت: اولادی اولیان و یاخود غائی اولان
کیمسه؛ بواسم شریفی هر کون بیکر دفعه او قوملیدر.

﴿ یَا آخِرُ ﴾

[کل من علیها فان ویبقی وجه ربک] و [کل شیء
هالک الا وجهه] نظم جلیللری مفادی وجهله کافه

موجودات؛ دوچار فنا و هلاک اولدقلری حالدہ ؛ ینہ
موجود و باقی اولوب ذات پاکہ؛ فنا و زوال بولمقدن
منزہ و مبرا اولان جناب رب و دود حضر تفرینک
اسمای حسنا سندنذر.

خاصیت: دشمنلری؛ ایتش اولدقلری عداوتدن
ناشی محجوب ایتک ایچون بو اسم شریفی او قوملیدر.

﴿ یا ظاہر ﴾

مشهود من اولان کائنات و مافیہادن هر بررلری؛
صانع متعالک وجودینہ دلالت ایتکده بولندقلرندن
اثر دن مؤثرہ استدلال طریقہ جناب باری یہ (ظاهر)
اسم شریفی اطلاق اولنمشدر.

خاصیت: انواع معرفت الہیہ قلبلر دہ جایکیر اولوب
روشن دل اولق ایچون بو اسم جلیلک تلاوتنہ دوام
ایدملیدر.

﴿ یا باطن ﴾

عظمت و جلالی غیر متناهی اولوب ذات پاکہ کنہیلہ

ادراك، عقول و افهام بشرک اقتدارى خارجنده بولنان
 وظواهر اشيايه عالم اولديغى كى جميع ناسك ضمير لرنده
 اخفا ايلدكلى اعتقادات و سرار خفيه واقف اولان
 جناب واهب العطايا حضر تلرينك اسم شريفيدر.
 نته كيم ذات پاكنى توصيفده جناب حق؛ [هو الاول
 والاخر والظاهر والباطن] آيت جليله سنى اترال
 بيور مشدر.

خاصيت : ياباطن اسم جليلنى دوام اوزره تلاوت
 ايدن كيمسه يه؛ حقايق اشيا منجلى و اسرار الهيه
 منكشف اولور.

﴿ يا والى ﴾

بالجمله اشيانك مالك و متصرف حقيقيسى اولان
 جناب پروردگار عالم حضر تلرينك اسمائى حسناى
 صمدانيه سندنذر.

خاصيت : تلاوته مداومت ايدن؛ خلائق تردنده
 معزز و مكرم اولور.

﴿ يَامُّعَال ﴾

تفاعل بابندن اسم فاعل اولوب اصلى « متعالى » در.
 بو اسم شريف، شائبة نقص و عيوبدن برى و ذات
 وصفاتنده وحدانيت و ربوبيت ايله جميع خلائقدن على
 اولان جناب رب يزدانك اسمای حسنا سندنر.
 خاصيت : (يامتعال) ذكر جليلنه مداومت ايدن،
 اقران و امثالنه تفوق ايله سرفراز اولور . و افعال
 قبيحه ده بولنان قادين ، تلاوت ايدرسه تبديل افعال
 و اخلاق ايدر.

﴿ يَابَرُّ ﴾

بر، بانك فتحی ايله منافعی قوللرينه عائد اولان
 شيلري، کيمسه نك ايجابی اولمق سزین محض لطف الهیسی
 اثری اوله رق خلق و ايجاد بیوران و کثیر الجود
 و الاحسان اولان جناب خالق الکوین و رازق الثقلین
 حضرت تبارینک اسم جلیلیدر.

خاصیت: دوام اوزره تلاوت ایدن، جناب حقک

لطف و احسانه نائل اولور. صبی یه یتش دفعه او قوندیغی
تقدیرده اصابت نظر و سائر دن امین اولور.

﴿ يَا تَوَّابُ ﴾

تواب؛ رجوع ایدیجی معناسنه اولوب نام پاک خدا در.
معصیتی ارتکاب ایدن قوللرندن عیبانی ترک
و توبه لرینی قبول ایله عقوبتدن مغفرتیه رجوع ایلدیکنندن
جناب حقه تواب اطلاق؛ صحیح و حقیقت اولمش اولور.
یا خود کنه کار قوللرینه اسباب توبه نی تیسیر
وانلری خواب غفلتدن ایقاظ ایده جک بر طاقم منبهات
سوقیله توبه یه موفق قیلان ذات دیمکدر.
بو صورتده باری تعالی یه تواب اطلاق؛ خالقنی
مباشرینک اسمیله تسمیه قیلندن مجاز اولور.
خاصیت: بواسطه شریفک تلاوتنه مداومت؛ مغفرت
الهییه نائل اولمغه سببدر.

﴿ يَا مُنِّعُ ﴾

منع. — جمیع خلافتنه بر طاقم نعم دنیوییه و نعمت

علم و عرفان اعطا ایدن، یا خود آخرتده مؤمنین قوللرینه
نعم جلیله لا تحصا و باخصوص رؤیت جمال الهی [یسرنا الله
بحرمة اسمائه الحسنی] نعمت عظماسیله؛ مستغرق
لطف و احسان ایدن جناب رب لم یزل حضر تلرینک
اسم جلیلیدر.

خاصیت : بو اسم شریفه مداومت ایدن کیمسه یی
جناب حق؛ الطاف الهیه سیله ممنون و دلشاد ایلر.

﴿ یَا مُنْتَقِم ﴾

ایشلنمسی اوزرینه الحاق و عید بیورلمش اولان
معاصی یی؛ ارتکاب ایدن قوللرندن ایستدیکنی؛
عدالتیه نار جحیمه القاء و جرم و کناهلری مقداری
عذاب و عقاب ایدن جناب رب مستعان حضر تلرینک
اسم شریفیدر.

خاصیت : مکروها تدن امین اولمق ایچون [یا قهار]
اسم شریفیه برابر [یا قهار، یا منتقم] ذکر جلیلنه
مداومت ایتلیدر.

﴿ يَا عَفُو ﴾

فِعْل و زننده مبالغه اسم فاعل اولوب عقوبته
استحقاق بولنان عاصی و مجرملری ؛ مجازاته قدرتی
وار ایکن محض لطف الهیسیله عفو و مغفرت ایددرک
عقوبات و مجازاتی ترک ایلان جناب غفار الذنوب
حضر تالرینک اسمای حسنا سندندر.

خاصیت : بو اسم شریفی دوام اوزره اوقویان ؛
مغفرت ربانییه مظهر اوله رق جهنم عذابندن قورتیلیر.

﴿ يَا رَوْف ﴾

رأفة. — قلبک طیانه میه جنی بر صورتده اسیرکه مک
معناسنه اولوب ؛ انسانده رقت قلبدن نشئت ایدر.
لکن باری تعالیه اسناد اولندقدده غایتی اولان تفضل
واحسان قصد اولنور.

رؤف. — ماده مذکورده دن وصف اوله رق پک
اسیرکه ییجی یعنی لطف و فضلیله ؛ قوللرینی فائده -
لندیره جک بر چوق نعمتله احسان ایدیجی اولان

ذات اجل و اعلانك اسم شریفیدر .

خاصیت : یارؤف اسم جلیلنه مداومت؛ جناب
حقك الطاف الهیه سنه مظهریته سبیدر .

﴿ يَا مَالِكُ الْمَلِكِ ﴾

مالك؛ ملك صاحبی اولان ذاته اطلاق اولنور؛
بوراده موجوداتك كافه سنه اطلاق اولنان ملك كلمه سنه
مضاف اوله رق مالك الملك؛ جميع اشیانك خالق و مالکی
اولان وَ كافه موجوداتی تحت تصرفنده بولند یروب
حکمنی اجرا وَ انفاذ ایدن جناب پروردکار عالم
حضر تکرینك اسم جلیل سبب حایلر ننددر .

خاصیت : [یاذا الجلال والا کرام] اسم شریفی
علاوه ایله : [یا مالک الملک یاذا الجلال والا کرام] ذکر
جلیلنه مداومت ایدن؛ هر بر مطلوب و مقصودینه نائل اولور .

﴿ يَا ذَا الْجَلَالِ وَالْإِكْرَامِ ﴾

مجموعی اسم واحد عد اولنه رق ذات پاکنه و وحدانیتنه

دلالت ایدہ جک اشیای عظیمہ خلق ایدن، یا خود
ذات پاکی احاطہ و تصور دن و حواسلہ مدرک اولمقدن
عالی و کمال کرم و احسان صاحبی اولان ذات اجل
و اعلانک اسم شریفیدر.

خاصیت : بو اسم عظیمی دوام اوزره اوقویان و
هرکسدن مستغنی اولور.

❦ یَارَبُّ ❦

رب ؛ بانک تشدیدیلہ تربیہ معناسنه مصدر ایسه ده
جناب حقک ربوبیتله اتصافنده مبالغه دن ایچون —
رجل صوم ده اولدینی کبی — جمیع خلائقی بسلیوب
تربیه ایدن جناب واجب الوجود حضر تدرینه اطلاق
اولنمشدر. اضافتدن مجرد اوله رق جناب حقه اطلاق
اولدینی کبی؛ اضافتله دخی اطلاق اولنور (رب العالمین)
کبی. فقط جناب حقک غیر یسنه انجق اضافتله مقید
اوله رق اطلاق اولنه بیلیر؛ مالکیت معناسنی افاده ایدر
(رب الدار) کبی.

خاصیت : بو اسم شریفك تلاوتنه دوام ایدن
قوللرینی جناب واهب العطایا حضرتلری ؛ کندی
خزینۀ لایفناسندن تربیه ایدوب بشقه سنه محتاج ایلمز.

﴿ یَا مُقْسِطُ ﴾

مقسط . -- افعال بابندن اسم فاعل اولوب کمال عدل
وداد ایله متصف اوله رق کیمسه یه ظلم و جورده بولمیان
جناب خالق البشر حضرتلرینک اسم جلیلیدر.
خاصیت : بو اسم شریفی اوقویان کیمسه ؛ و ساوس
شیطانیه دن امین اولور .

﴿ یَا جَامِعُ ﴾

جمع . — طاغنیق نسنه یی بر آرده طوپلامق
معناسنه در .

جامع . — ماده مذکورده دن اسم فاعل اولوب مطیع
و منقاد قوللرینی ؛ عاصی و مجرم لردن تفریق و تمیز ایله
ایشلدکلری عمللرینه کوره مکافات و مجازاتلرینی ویرمک

ایچون یوم حشر ده میدان محاسبه یه جمع ایلان جناب واجب
الوجود حضر تلرینک اسمای حسنا ی الهیه سندنذر.
خاصیت : برشی غائب ایدلدیکی وقت [یا جامع الناس
لیوم لاریب فیه اِجْمَعُ عَلَیَّ ضَالَّتِی] دعای شریفی اوقونماید.

﴿ یاغنی ﴾

جمیع اشیاده متصرف انجق کندیزی اولوب ؛
ذات و صفات و افعالنده مخلوقاتک معاوتنه محتاج اولمقدن
مستغنی بولنان جناب رب منان حضر تلرینک اسمای
حسنا سندنذر.

خاصیت : مداومی، ثروت و یسار صاحبی اوله رق
مخلوقاتدن مستغنی اولور . مریض اولان کیمسه ؛
(یاغنی) اسم شریفی اوقیوب الینه اوفورد کدنصکره
النی، آغرییان یرینه سورسه افاقت بولور .

﴿ یا مُغنی ﴾

قوللرینک محتاج اولدقلری شیلری، محض لطف

الهيسيله خلق و ايجاد ايدهرک غيره احتياجن آزاده
وَ خلاص ايدن ذات اجل و اعلانک اسم شريفدر.
خاصيت : بر علتہ مبتلا اولان کيمسه؛ بو اسم شريفی
دوام اوزره او قومسی برکاتيله علتندن خلاص اولور.

﴿ يَا مَانِعُ ﴾

ثلايدن اسم فاعل اولوب اراده و تقديرات ازليه سنه
مخالف اولان شيلری؛ حيز آرای شهود اولمقدن و ابنای
جنسنه سوء قصدده بولنانلرک قلبنه؛ قورقو و سائر
بر طاقم اسباب مانعه خلقيله؛ افعال و اقوال سيئه
وَ اعتقادات باطله دن منع ايليان جناب واجب الوجود
حضر تلرينک اسم جليلدر.

خاصيت : زوج ايله زوجه آره سنده کی محبت
وَ امتزاجک زوال و سلبنه سبب اولان حالاتی دفع
ايچوز؛ بو اسم شريفی دوام اوزره او قومليدر.

﴿ يَا ضَارُّ ﴾

ضار. — اسم فاعل اولوب اصلی ضارر در.

انسانه وَ حیوانلره وَ سائر اشیایه ضرر ویره جک
شیلری لحکمه خلق واحداث ایدن، یاخود کافرلره
وَبعض مؤمنینه اعطا اولنان ثروت و یسار کبی ظاهر
و بدایتی فرح و سرور وَ نهایت و حقیقی عذاب و عقابدن
عبارت اولان شیلری؛ خلق و اعطا ایدن ذات اجل
و اعلانک اسمای حسنا سندنذر،

خاصیت : فقیر و دوشکون اولان کیمسه بو اسم
شریفی هر جمعه کیجه سی و ایام بیضده یعنی ایک اون اوچ
اون درت، اون بشنبی کیجه لرنده او قورسه مبتلا
اولدینی درد دن خلاص اولور.

❦❦❦ یانافع ❦❦❦

قوللرینه فائده لی شیلری خلق واحداث بیوروب
هر برندن برر کونه مستفید قیلان جناب و اهب العطایا
حضر تالرینک اسمای حسنا ی الهیه سندنذر.

خاصیت : درت کون متمادیا، مقتدر اولدینی
قدر بو اسم جلیلی تلاوت ایدن کیمسه؛ هر درلو

ضرر و زیانندن خلاص اولور .

﴿ يَا نُورُ ﴾

باری تعالیٰ حضرت تبری، جسمیت و عوارضندن منزّه
و مبرا اولسی حسنیله ذات پاکنه (نور) اطلاق صحیح
اوله مدیغندن [الله نور السموات والارض] آیت
کریمه سی بر قاج وجهله تاویل بیورلمشدر .

(۱) نور ایله هدایت بیننده اولان مناسبتّه مبنی
آیت کریمه یی تاویلده : [الله هادی اهل السموات
والارض] بیورمشلردر، که ابن عباس (رضی عنهما
رب الناس) حضرت تهرینک اختیار کرده لری دخی بوقول
اولدینی سرویدر .

بوصورتده معنای شریف : اهل زمین و آسمانی طریق
صوابه ارشاد ایدیجی دیمک اولور .

(۲) منور معناسنه اولوب مفاد آیت : سمائی،
ملائکّه کرام، ارضی، پیغمبران عظام ایله یاخود سمائی،
شمس و قمر و ارضی، علمه و صالحاء ایله تنویر ایدیجی دیمکدر .

(۳) خالق النور معناسنه در . فی الحقیقه جناب
خلاق عالم حضر تلی ؛ بر طاقم انوار ظاهره و حسیه
خلق ایدہ رک عالمی پر نور ایلدیکی کبی انوار معنویہ
ایله ده قلوب عبادی تنویر ایدیجیدر .

خاصیت : سورۃ نوری یدی دفعه تلاوتدنصکره
بیک دفعه ده بو اسم شریفی اوقویان کیمسه نک باطنی ؛
انوار معرفت الہیہ ایله منور و روشن اولور .

﴿ باہادی ﴾

ہادی . — ثلاثین اسم فاعل اولوب انبیای عظام
و پیغمبران فخام افندمز حضر تلرینی ؛ کیمسه نک ایجابی
اولمقسزین محض لطف الہیسی اثری اولہرق ارسال
و بعث بیورمسیلہ قوللرینی ؛ طریق مستقیمہ ارشاد
ایدن ذات اجل و اعلانک اسم شریفیدر .

خاصیت : کوز آغریسنه مبتلا اولان کیمسه ؛
بو اسم جلیلی اوقویوب پر مقلرینہ اوفور دکنصکره
کوزلرینہ سورسہ افقت بولور .

﴿ یَابَدِیْعُ ﴾

بدیع . -- ارض و سما و مافیهمای نمونه و مثالی
یو غیکن قوللرینک منافعه موافق بر طرز بدیع و اسلوب
عجیب اوزره خلق و ایجاد بیوران جناب پروردگار
عالم حضر تلرینک اسمای حسنا سندنذر .

خاصیت : بر امر مشکله گرفتار اولان کیمسه
یتش دفعه [یابدیع السموات والارض] ذکر جلیلی
او قورسه حق تعالی؛ او کیمسه نک مشکلی آسان ایلر .

﴿ یَابَاقِی ﴾

جمیع ماسوی؛ فناء انقلاب و تحول ایلد کدنصره
ینه موجود و مالک حقیقی بولناز و حیات ابدیه ایله متصف
اولوب کن دیسنه اصلا و قطعا عدم و قنور طریان ایتیمان
جناب رب لم یزل حضر تلرینک اسم جلیلیدر .
[کل شیء هالک الا وجهه] نظم جلیلی مقتضاسنجه
جمیع موجودات محو و هلاک اوله جققرندن جناب
حقک غیریسنه (باقی) دینه مز .

خاصیت : بواسم شریفه مداومتده بولنان کیمسه،
عمرنده برکت بولغله عمری اوزون اولور.

❦ یَاوَارِثُ ❦

جميع موجودات هلاك اولدقدنصكره باقى و دائم
اولوب مخلوقاتك ترك ايلديكى شيلره مالك اولان جناب
واحد الا حد حضر تلى نيك اسمای حسناى صفاتيه سندنذر
خاصیت : مريض اولان کیمسه، بیک دفعه بواسم شریفی
تلاوت ایدرسه مبتلا اولدینی خسته لقدن افاقت بولور.

❦ یَا رَشِیدُ ❦

اسمای صفاتیة الهیه دن اولوب مرشد معناسنه در.
یعنی جناب واهب العطایا حضر تلى، جميع
مخلوقاتك ظاهرى و باطنی احتیاجلرینی بیلوب دفعی
ایچون لازمکن تداییری و منفعته نائل اولملری ایچون
دخی بالجمله وسائطی خلق ایدهرك احسن امور
و مصالحلرینه ازشاد ایدیجی دیمکدر.

خاصیت : مهم برایشی اولوبده تدبیرندن عاجز

اولسه بواسم شریفی بیک دفعه اقسام ایله یئتسو آره سنده
تلاوت ایتلیدر.

﴿ یَا صَبُورُ ﴾

معاصی نی ارتکاب ایدن قوللری حقنده عقوبات
ومجازاتی تعجیل ایتوب تأخیر وتوقیف ایدن جناب غفار
الذنوب حضر تلرینک اسمای حسنا ی صمدانیه سندنذر.
خاصیت: امور و خصوصنده اندیشه ده دوچار اولان
کیمسه نك بواسم شریفی اوچ بیک دفعه او قومسی لازمدر.

﴿ یَا سَتَّارُ ﴾

ستار. — غفار معناسنه ایسه ده (ستار) ده ستر
معناسی ده ظاهر در. یعنی جرم و معصیتی ارتکاب
ایدن قوللرینک قباحتلرینی ستر و عفو بیوران جناب حی
لایموت حضر تلرینک اسمای حسنا ی صمدانیه سندنذر.
خاصیت: دوام اوزره تلاوت ایدن، جناب حَقِّ
مغفرت ربانیه سنه مظهر اولور.

تم الكتاب بمون الملك المذنب في عهد السلطان الغازي (عبدالمجيد خان)
أيد الله شوكته وأدام عمره ودولته إلى آخر الدوران بحرمته سيد بني عدنان





Ibrahim, Mehmed
Serh-i esma' ul-husna

BP
166
.2
I37